

後山居士文集

九

欽聖憲肅皇后挽詞二首

二妃端協帝三后共興周決策夫同力
收功語不流權耳從殺禮末命尚深憂
鬱鬱佳城閉終天配壽丘

復辟先元約長年損積憂春移栢城仗
仙去帝鄉游德並塗莘敏功臨馬鄧優
千秋修故事重馬戒如流

欽慈皇后挽詞二首

二祧從孝祀五典載虞嬪顯號追先志

陳六

二十五

陰功見後人承顏親不待罔極痛如新
未有如搨筆光容可得陳

靈岳占佳氣琳宮閔寶衣應祈符聖曆
錫號煥皇扉日月堯同數謳歌啓與歸
傷心五雲去不見六龍飛

大行皇太后挽詞二首

德名三后並母道兩朝尊勇決高千古
危疑定一言先期還政事隆禮改山園
哀挽西郊道雲愁書亦昏

扶日行黃道乘雲上紫微身勞形末命
恭儉見陳衣布德刑開網和戎戢武威
要知懷惠處行路涕交揮

追尊皇太后挽詞二首

彤管書陰教黃圖載德容漢宮元夢日
代邸近乘龍喬岳已遺服青門啓故封
從今祠百世清廟配商宗

典冊尊徽號欽崇煥德名終身閭舜慕
歷月見堯生兵衛嚴天仗車輿轉帝城

陳

三六

故盞脂澤在哀感倍皇情

王察院挽詞二首

施報終何在窮通共一空兩言成益友
百代仰高風終始無遺恨恩榮託至公
不應埋直氣會見吐長虹

良貴官何與長年死不亡身須禦魑魅
氣已懾豺狼不盡曾中蘊猶堪地下郎
豈惟吾道慶編簡亦輝光

和吳子副知海齋

筵應供賴三車堆案抽身較筭沙破
暑好風開樂國脫塵新句散餘霞僧盃
手汗空留迹佛凡堆紅拂委花客舍黃
梁未應熟且容秋蝶夢南華

舅氏新齋

堂因竹栢有花與歲時闌欲作終年計
長留別眼看色侵杯酒重子孰落聲乾
只有林園主相期耐歲寒

荅王立之

每逢無可語暫阻即相求解卷初增氣
開懷得寫憂昏煙冑帶雨風樹更添秋
絕唱猶多和先衰怯後酬

送歐陽叔弼知蔡州

穎陰爲別悔忽忽十載相望信不通晚
遇聖朝收放逸旋遭官禁限西東又爲
太守專淮石牘喜郎君類若翁梅柳作
新詩興動可令千里不同風

送晁堯民守徐

中年爲別不堪憂東髮登門到白頭
南省望郎仍國士東方千騎更吾州
彭翁老壽終遺骨燕子飛來只故樓
知己難逢身易老煩公置醴我歸休

贈吳氏兄弟三首

一長未可衆人師萬里元隨八馬蹄
不解征西說子弟卻憐野鷺厭家雞
才隨年盡不重竒每愧諸郎索近詩
旋作七言供一笑自癡郡得使人癡

陳六

二八

三

得失媿妍只自知略容千載有心期
恨君不識金華伯何處如今更有詩

上晁主客

時與無咎對酒及門而聞者辭焉

兩疎父子共含香不獨家榮國有光
賸欲長懷因問疾孰知相對只街觴
年侵身要兼人健節近花須滿意黃
從此竹林須小阮只今未可棄山王

和鮮于大受寄宗先觀餞別曾元中

此別未爲遠兩都東西州情親有乖隔

江湖成阻脩脫塵度羣密徐行當尋幽
各有惜別懷共此一日留意合豈待約
酒盡不更求闕詞固未可忍手亦何猶
坐有黃冠師未解逍遙遊興來我與共
醉罷君當休僧房火可親此樂行且謀
萬事自糾紛高懷元一丘

和過田承君

寺古專宜僻居深自作幽興來寧憚遠
句苦不緣愁逸氣無前足虛懷不繫舟

東六

七

逢人難暗語冒雨亦相求

贈石先生

多方作計老如期百疾交攻遽得衰晚
有勝緣逢異士生須快意闕前知道人
鬪領紛紛白臨事回迂種種遲分我刀
圭容不死他年鶴馭得追隨

送晁無咎出守蒲中

一麾出守自多奇四十專城古亦稀解
榻坐談無我輩鋪筵踏舞欠崔微的挑

作劇聊同俗遇事當前莫後幾聖世急
才常患少神宗御筆曰治世常患難得人才棧羊醞酒
待公歸

送王定國通判河南

孤身十載客都城白社雙林諱姓名授
館不爲他日計解衣真出故人情翹材
必定延枚叟宣室終須記賈生萬里歸
來髮如漆了知句畫更新清

寄子開

陳六

卅

致君意氣日方中許國精誠月貫虹一
代英豪出門第當時毀譽豈窮通風流
身致義黃上日夜心隨汴洛東從使少
年輕我輩只留顏面對吾公

題王平甫帖

早聞英氣擅家聲晚得諸郎識老成可
恨治朝無此老却嫌晚進不同生足知
落筆千言疾尚想揮毫一坐傾未信哲
人窮五字二難還復以詩鳴

和李文叔退朝

朝流駭汗蒸上雙猊風卷屯雲散萬蹄
任使輕衫汗嬌色可令纖手洗春泥

和謝公定雨行逢賣花

逢花駐馬尚多情天不違人旋作晴不
使近詩增紙價得知春入鳳凰城

謝王立之送花

過雨生泥風作塵馬蹄聲裏度芳辰城
南居士風流在時送名花與報春

山六

卅

和叅寥明發見鄰家花二首

短墻春色過鄰家行不逢人只見花新
綠葱葱紅軟軟卻成粧面映青紗

滿城桃李一番新深院繁枝別得春從
此詩翁有新語不須紅濕少城闈

和張奉議贈舅氏

朝下公門不曳裾身寬心遠等林居傳
家聲烈三公後貯腹平生萬卷餘藤架
倚春聽語鳥石池迎日數游魚人言酷

似牢之舅未有新詩錦不如

和舅氏公退言懷

追陪強韻愧難過應接前聞覺未多盛
禮每虛摩詰席舊詞猶可雪兒歌手開
新徑延徐步眼趁高梧上碧蘿風雨入
懷泥滿眼時須好語滌煩痾

和謝公定觀秘閣文與可枯木
斯人不復有累世或可期每於丹青裏
一見如平時壞障塵得入慘澹令人悲

東六

世二

墨色落欲盡嚴顏終不移朽老莫使年
石心烏銅皮念此猶少作未盡冰霰姿
北枝把異鵲意定了不疑惜哉不得語
曾次幾興衰一爲要貴役可復辭畫師
隱奧雖可惜塗抹復見遺謝侯名家子
感慨形苦詞豈惟語畫工勁特頗似之
何當補諫列一吐曾中竒

題畫李白真

君不見浣花老翁醉騎驢熊兒捉鸞驥

子扶金華仙伯哦七字好事不復千金
模青蓮居士亦其亞斗酒百篇天所借
英姿秀骨尚可似逸氣高懷那得畫周
郎韻勝筆有神解衣磅礴未必真一朝
寫此英妙質似悔只識如花人醉色欲
盡玉色起分明尚帶金井水烏紗白紵
眞天人不用更着山巖裏平生潦倒飽
丘園禁省不識將軍尊袖手猶懷脫鞵
氣豈是從來骨相屯仰視雲空鴻鵠舉
眼前紛紛那得顧是非榮辱不到處只
恐朝來有新句勿言身後不要名尚得
吳侯費百金江西勝士與長吟後來不
憂身陸沉

陳六
世三
題明發高軒過圖

滕王蛺蝶江都馬一紙千金不當價異
才天縱非力能畫工不是甘爲下今代
風流數大年含毫落筆開山川忽忘朽
老壓塵底却怪鳧鴻墮目前爾來八二

復秀出萬里河山才咫尺眼邊安得有
突兀復似天地初開闢明窻寫出高軒
過便逐愈湜聞吟哦晚知書畫真有益
却悔歲月來無多官禁修嚴斷過訪時
於僻寺逢稅鞅秀潤如行琮璧間清明
似引星辰上憂悲愉快百不平河擘太
華東南傾平生秀句寰區滿拾掇餘棄
成丹青平湖遠嶺開精神斗覺文字生
清新未許二豪今角立要知旁有衛夫

陳六

詩

人

寄徐吉父學士

卧龍山上摘黃花曾共西風醉帽斜當
日已應天下樂無人傳入畫圖誇低頭
強笑今何似多病難堪懶自嗟聞道承
明方厭直幾時來伴訪山家

和南豐先生西游之作

孤雲秀壁共崔嵬倚壁看雲足懶回睡
眼贖潮寒綠洗醉頭強爲好峯擡山僧

煮茗留寬坐寺板題名卜再來有愧野
人能自在塵樊束縛久低徊

和南豐先生出山之作

側徑藍昇两眼明出山猶帶骨毛清白
雲笑我還多事流水隨人合有情不及
鳥飛渾自在羨他僧住便平生未能與
世全無意起爲蒼生試一鳴

和張次道再游翠巖之作

去歲尋山有舊題重來似與故人期回
巒俯仰如迎客流水喧鳴擬索詩嶺路
依危通鳥過吾身趁健白雲隨自憐久
仗屠門嚼欲往安能久茹芝

初到錦城

溪澆層巒路澆溪飛梁相接掛晴霓山
川王氣今何有巖谷靈蹤昔未躋十里
松篁參羽仗半天樓閣倚雲梯勝遊欲
盡無窮目未到桃源客已迷
何復教授以事待理

負俗寧能累哲人昔賢由此致功名
驥收鹽坂車前足琴得焦桐爨下聲
三獻荆山時未識一鳴齊鳥衆方驚
傳聞下詔搜遺逸勸講方思用老成

和富中容朝散雨中感懷

節物驚心懶復嗟樽中酒盡復誰賒
風撩雨脚俄成陣雪閣雲頭欲結花
萬里可堪長作客一年將盡未還家
自憐落

陳六

卅六

謝贇閣梨見訪

好在談經老上人衝風踏雪到江濱
百篇出篋自新得一鉢隨身依舊貧
終歲杜門逃俗士爲師設榻對脩筠
筠蒲團藜杖焚香坐此意此時無點塵

和蒲左丞有美座上觀雪二首

高牙大纛曉登山卷帳飛觴不避寒
十_二玉樓橫閣道三千銀甲壯師干封條
已驗遺蝗化平隴寧虞宿麥乾預喜豐

年惟太守旋追賓從促盃盤

破曉初驚失舊山
瑤臺化出坐中寒
江心凍合愁蛟蜃
匣裏冰生吼鎖干
門閉洛陽人跡絕
指穿東郭履痕乾
鳳池不比梁園客
咳唾珠璣落玉盤

和秦太虛湖上野步

曉風踈日乍相親
黯黯輕寒拂拂春
觸目漸隨紅蕖亂
經年不見綠條新
寧論白黑人間世
懶復雌黃紙上塵
十里松

陳可

聖

陰窮野步暫時留
得自由身

和沈世卿推官見寄

倦看世態久低徊
且置窮通近酒杯
未忍一身閑處着
暫容雙眼醉時開
爲呼阿武扶頭起
擬與山翁倒載回
好在東籬舊時菊
無心準擬白衣來

和劉元樂月夜寄賈耘老

胡床欲上庾公樓
那復周南歎滯留
皓魄光連鮫室午
踈星冷浸洞庭秋
錦袍

有興思姑熟桃楫無心問莫愁喚取長
江來入社不勞牛渚問行舟

酬呂明父學士

當日功名指顧收一言悟主過千秋去
登霄漢如平地歸到雲山尚黑頭解組
行參蓮社客揮金坐揖醉鄉侯謝公不
爲蒼生起擁鼻重來可自由

送傅子正宣義

漸漸烏竿五兩輕一帆秋色下江濱請
山六
六
纓北闕非無意捧檄南州且爲親神驥
解韉天上足風鵬搖翮日邊身歸途眯
眼塵沙惡想夢西湖十里春

和元樂銷暑樓曉望

遶郭溪山接四鄰身輕步躡一梯雲圖
南羽翻搏空見倚北光芒入夜分蕪沒
池臺餘故事風流人物想前聞脩然便
欲移招隱猿鶴還應怨舊羣

和寄朱文中

仰高當日誦成規想見風流盛一時魯
國故知臧有後孔庭早見鯉能詩侵尋
末路同傾蓋邂逅清談爲解頤願借湖
山容勝地爲令松菊寄吾衰

和王明之見寄

末路相逢首重回紫芝眉宇向人開老
來惟有風情在事去空憐歲月催憔悴
不堪臨楚澤棲遲無路上燕臺少陵肺
病踈杯竚想負花前載酒來

陳立

山光

和酬施和叟宣德

山陰傾蓋兩綢繆十載重來鬢已秋往
事侵尋如昨日故人牢落半滄洲流離
道路生涯拙蕪沒田園歲計休久要尚
憐君子在爲言雞黍亦遲留

呂吉父史君生日

司漏凌晨報曉籤瞳瞳赫日上重簷良
辰也應純乾策吉夢先符太卜占棣萼
同時外紫禁崇陰由此駐彤襜一杯欲

助邦人禱願借黃堂壽筵添

送澤之過維揚

夢裏揚州十載間青樓陳迹故依然袍
爭爛錦催詩筆雨濺明珠落酒船顧我
老無騎鶴興羨君行及看花天囊中繡
句歸應滿不負韋郎五色牋

和和叟弟課還自都下

青雲直上馬如龍來往冷然若御風高
步只應天咫尺舊游寧寄浙西東外沉
道路從今異邂逅比鄰此日同相見可
堪懷抱冷需君健語破樊籠

和和叟梅花

百卉前頭第一芳低臨粉水浸寒光

漢房

陵有粉水卷簾初認雲猶凍逆鼻渾疑雪亦

香鼎實自應終有待天真不假更勻粧

江南望斷無來使且伴詩翁入醉鄉

再到錢塘呈會宗伯益

負笈重來感舊游流年衰鬢兩經秋湖

山依舊渾相識風月愁人不自由尚有
故交重冷塌可堪歸夢到滄州誰憐壯
志空凋落百鍊金爲澆指柔

簡楊安國

侯門誰預識馮諼歲晚寧知范叔寒傾
蓋尚憐吾道在立談相信古人難開懷
磊落無城府握手侵尋出肺肝共許異
時歎此去滿冠塵土待君彈

簡李伯益

陳亨

里

糝鹽度歲每無餘垂橐東歸口未糊貧
裏交遊新斷絕老來光景半消除時情
視我門前雀人好看君屋上烏尚喜弊
廬連蔣徑願求佳句逆誦奴

九日無酒書呈漕使韓伯修大
夫

老大悲傷節物催酒腸枯涸壯心灰慙
無白水真人分難置青州從事來倦筆
懶從都市出醉眸剛爲麴車回黃花也

似相欺得坐對空樽不肯開

過杭留別曹無逸朝奉

陳蕃解榻爲留連俯仰徒驚歲月遷故
意斯人奈風雨多情於我獨山川可憐
顏貌非前日依舊窮愁似去年後夜相
思隔煙水夢魂空寄過江船

五言賀雨出

六月鄞江旱焦勞刺史憂戴星趨洞府
踏月叩龍湫引咎青章設爲壇古法修

東六

四二

山川將爾徧牲幣豈吾留帝意茲回春
神聰俯應求油雲潛感召靈雨忽滂流
急勢朝翻幕寒聲莫咽溝餘波平浦嶼
翠色蔽田疇池閣消殘暑閭閻慶有秋
邦民無以謝惟起載途謳

別威德寺

三宿城隈寺輕齋類老禪暫來真偶爾
適去更脩然笑別留春塢行尋下瀨船
此身猶斷梗飄泊且隨緣

雜題

春水漲潮田先尋滬瀆船隔江爭問主
入市不論錢味得尊尤滑香因豉更便
它年棟花落追憶漫流涎

和董判官寺居作

共作東州客同棲古寺深論交非有舊
不見解相尋冷過清明節悲生故國心
此身隨所寄未足問升沉

贈白閣梨

山六

四三

瓶錫倦西東歸來一榻空宗乘能自判
文學東兼通講徹夜堂月定回枯樹風
無從參淨社回首倦飛蓬

舒御史太夫人挽辭

回合江山秀佳城去域中珮環無曉日
蘋藻自春風斷髮人何在捐金事已空
遂移男子孝更作直臣忠

和賈明叔秋晚見懷

陋巷少行跡故人車馬稀世情方汨沒

吾道肯依違萬葉迎風脫孤雲帶月歸
獨憐高義在猶肯問柴扉

望夫石

磧成人何在秋霜志不移無言息媯怨
有淚舜娥悲山靜雲盤髻江空月印眉
誰將望遠意歌作送征詩

夏杪

一室青蕪長終朝靜不譁聖賢開美酒
子母破新瓜綠篠初翻籜紅蕖稍薦花
咄嗟功業晚覽照鬢初華

虞美人草

幽草默通神舊題虞美人長言方度曲
應節若翻身律呂聲相召雲龍氣自親
無情猶感會不獨在君臣

沈道院有水墨壁畫可筆也惜
其窮年無賞之者賈明叔請余

同賦

壁間水墨畫爲爾拂塵埃草樹精神出

溪山氣勢回路從沙嘴斷人自渡頭來
莫怪知音少牙絃匣不開

同蘇不疑避暑法惠

酷暑不可處相將尋書涼清談應廣夏
甘寢就匡床蓮剝明珠滑瓜浮紺玉香
因知北窻卧自信出羲皇

和彥詹題遠軒

開窻得遠意興出杳冥間芳草日邊路
片雲天外山好花和露斲脩竹夾藤刪

東六

甲

每許南鄰伴時來一寄閑

讀白樂天臨水坐詩

西方社裏收身早白髮人中得計長不
作北門東掖客更無閑事可思量

寄君玉

不見紫霄翁侵尋鬢已蓬倦游鄉域異
歸夢夙霄同愛酒貧應甚吟詩老更工
清時公道在未足歎途窮

簡令由司理

居連里巷室連甍多謝能空鑿壁生幸
有餘光子何損豈無隣好我先傾已知
涉世濼濼夢但欲求田悒悒耕貧病久
甘從棄置寧堪更類汝南評

後山居士文集卷第六

